

雲南府志

雲南府志卷之第十八

藝文志一

大塊秀氣發爲文章日星河嶽炳炳烺烺其在
 於人變化愈彰經緯兩撰紀述百王或闡理學
 或表綱常或披政事或寫區方窮幽極隱辨否
 明臧偶爾濡筆勸戒以將矧在乘典其可荒唐
 嘉言必錄碩論難忘滇雖天末文明久昌雲雖
 一壚英華四揚卷編錦軸韻疊縹箱談今寫古
 炫璧敷璜韓蘇潮海李杜光茫董醇賈茂屈介

駐狂體制各異詞理均長實關治教不僅華芳
載其翰墨以俟觀詳用敦實行勿以言妨志藝

文

歷代御製

唐

明皇敕雲南王蒙歸義書

敕西南蠻太師特進蒙歸義及諸彝首領等卿近
邊境不此諸蕃率種歸誠累代如此況卿等更効
忠亦朕甚知之頃者諸彝之中或有攜貳相率自

討惡黨悉除卽日蕃中應且安帖然則臨地外境
亦須有預人無遠慮必有近憂卿可思之豈虛語
也所有蕃中事意使者且知之秋涼卿及百姓竝
平安好遣書指不多及

明皇復勅雲南王蒙歸義書

勅蒙歸義吐蕃於蠻擬行報復又雋州鹽井本屬
國家中間被其內侵近日始復收得卿被蕃落亦
因具知吐蕃惟利是貪數論鹽井比有信使頻以
爲辭今知其將兵擬侵蠻落兼擬取鹽井事似不

虛國家與之通和未嘗有惡今旣如此不可不防
卿與達奚守珪部落團練候其有動方可出兵必
無事蹤亦不得先舉雋州相去道至稍遙若有警
急復須爲援竝委卿與達奚守珪計會無失事宜
卿於國盡誠在邊爲捍委寄得所朕復何憂秋中
漸涼卿及首領百姓竝平安好今故令內給事王
承訓往一一口具遣書指不多及

明

太祖初諭雲南詔

朕聞順天者昌逆天者亡古今定論禍福常理也
朕起自草萊削平羣雄勘定禍亂今已七年中夏
既安四彝多附絕無強凌弱衆暴寡所以臣順於
我者得遂其生共享和平之福惟爾雲南王某乃
元君遺派受封西南孤處遐荒猶未臣服以若所
爲非遺患於大理之民必自致喪身滅姓於大理
之手二禍之機必有其一不可逃者何也蓋雲南
土地人民本大理所有自漢通中國稱臣朝貢至
唐宋皆受王封其來久矣昔因爾元滅其王而統

雲南府志 卷之十一
其地及今百年無有復其故物者邇來元祚傾覆
已盡爾尚力據其地不還大理自王果欺人乎欺
天乎人雖可欺天不可欺禍患之報將不旋踵至
矣今特遣爾親族威順王親往開諭如果上順天
理下契人心卽奉貢來庭不然朕當別遣使者直
抵大理仍賜唐宋所封舊號令彼爲王合兵加討
悔將何及

太祖賜西平侯沐英復姓誥

曩者朕於擾攘之時年已二十有五尚未生兒女

爾沐英因兵亂受厄父母不可復會爾是時八歲而逢難罔知存活朕憐其孤而且幼特撫育如兒夜臥同榻數番鼾睡於朕懷後因吾有諸子爾亦長成以人情天理度之不晦爾名使從爾姓祀爾宗祖嗚呼推仁窮理特釋患以提攜今也不忘爾孩童之狀吾無異於爾父蒙蒙儼頑於左右俄而思起若是猶動首育之心念昔以爾爲子今有微勞特貴爾爲西平侯爾當思幸逢之初會休忘釋難之恩夢寐神交則鬼神知報矣嗚呼扶顛持危

惟仁者之盛事知恩不忘獨君子之道脩其若究
心利濟永爲多福吉哉欽此

太祖諭征南將軍頴川侯永昌侯西平侯勅
舊歲命爾等率甲士三十萬南征諸彝兵臨曾定
如風行草上所以去後還致有小疵及至入雲南
之域擒首帥於曲靖之西敗烏蠻於可渡之北席
捲豪英長驅於碧雞金馬來云已駐牂牁未幾捷
音摧堅敵於點蒼山下而撫金沙邏邏心悅者其
金齒不戰而率土以歸於是雕題之蠻聞知卽遣

使入貢以再而獻生口檄從百彝之種威來八伯
之邦將軍其勞至矣然功竝亘古勲著彤庭英風
徧播於中外丈夫至是豈不以顯父母揚名者耶
今也勤勞旣多欲勞以酒用奈山川險遠速不及
赴特以朕心勞之故茲敕諭

太祖諭雲南平詔

朕倚上天眷佑海嶽効靈祖宗積德自卽位以來
十有五載寰宇全歸於版籍惟西南諸彝爲雲南
梁王所惑恃其險遠弗遵聲教特命征南將軍額

雲南府志 卷之十八
川侯傳友德副將軍孔昌侯藍玉西平侯沐英率
甲士三十萬馬步竝進罪彼不庭大軍旣臨渠魁
盡獲雲南已平詔告天下臣民共知於戲福民孔
已聖賢之爲逆天違命根禍殃民身家被罪惟西
南諸彝應之故茲詔諭

太祖再諭潁川侯傳友德孔昌侯藍玉西平
侯沐英敕

雲南之地稽古之典氣厚風和人民尚兵上古以
爲遐荒中古禹蹟所至以別水土故地屬梁州之

域自漢隋唐三代皆中國所統曩元既有其省數
出名臣望重者鎮之今將軍等率精兵前進不踰
百日而取之若非名望重者守之愚下之輩未可
託也今特命汝南侯梅思祖平章潘允明二大臣
暫署雲南承宣布政使司布政使事定之後除官
替回故茲敕諭

太祖諭雲南等處承宣布政使司左叅政張
統敕

唐虞之制外樹州牧侯伯撫奠民居人樂雍熙載

諸方冊雖不備述簡畧見焉當是時賢良竝出所
命皆仁所以君有易位而法令不更諸侯列土千
載而不異以其誠信相孚上下亦然也吁今之人
不然導善弗從縱欲如流之趨下朕起寒微出望
外而統天下竭氣語疲精神諭人爲善從者罕焉
是其難治也且如內而中國外而四彝今九州十
二牧官旣命數違號令未見其人西南諸彝自生
釁端發兵除平命官撫守爾張統者首行今五年
矣言出則諸蠻耳入令布則誠信相孚奠安黔南

亦五年矣今年來朝不待考而朕知功居考內出九州十二牧守首惟統爲最復命仍治黔南汝往欽哉

武宗諭大學士楊一清敕

卿資稟卓異文學夙成初以奇童受知皇祖特儲翰院俾讀羣書遂掇賢科列官外制三提學政兩任太常敷歷益深德望彌著旣受巡撫之寄尤多揚激之風馬政聿脩西苑有在垆之訕邊陲總制軍中興一范之謠雖嘗見沮於匪人終不有瑕於

大美其後西藩作孽元老載馳六月師行三秦亂
定既奏嘉績乃晉司徒遷冢宰而掌銓衡佐明揚
而美庶政凡有論建不爲空言措之事爲可裨治
道朕博採輿議簡置皇扉乃能因事納忠蹇蹇有
匪躬之節嘉猷入告孳孳推爲國之誠代言出而
皇澤行章奏陳而公是在屬茲多事之際方資弼
亮之贊顧因疾而乞休至再三而不已重違高義
勉賜允俞仍敕有司月支米六石歲撥人夫六名
應役庸示朕優賢念舊之意於戲卿學行政事望

隆中外得志行道保躬完名誠當世所難兼得者
今歸其善養天和懋膺壽祉敦行信義化導鄉俗
俾後來賢俊皆有所視倣而取法庶同享雍熙太
和之樂於悠久顧不美歟故諭

世宗存問大學士楊一清敕

敕曰卿童年穎拔積學詞林甲第蚤登列官禁署
出爲典學入爲太常尋擢都臺專督馬政才猷茂
著聲望日隆握邊陲總制之權平西夏逆藩之亂
威震邊幕功裨廟謨乃晉司徒遂遷冢宰總領衆

職寅亮天工簡任皇屏益竭丹悃病緣憂國身乃
乞閒而公論在人有才不盡用之惜朕嗣承大統
圖任舊臣共成化理惟卿累朝耆俊實軫朕懷方
將召用茲先遣行人齎敕存問并賜羊酒以示優
眷卿其頤養天和益綏福履以副朕尊賢念舊之
意故敕

本朝

上諭各省王貝勒大將軍將軍督撫提鎮等敕

敕曰茲據大將軍簡親王等報稱逆賊吳三桂已